

صلاح جاهين

لما تفكر بخيالك تشطح
و ترد ف مرة على جاهين
تبقى اكيد واحد مجنون
و انا قررت اتجنن حبة
يمكن يبقى كلام موزون
حاسب من الاحزان و حاسب لها
انا جيت شمال و جيت يمين
لقيتني برده ف وشها
مشيت ساعتها و سيبتها
فاشتاقتها
مع إن كل الخلق من أصل طين
الطين ده منه نوعين
و الناس نوعين
طين الشوارع
و الاغلى طين فخارين
نظرت في الملكوت كتير وانشغلت
مخلوق عوالة انا
و لا انا ليه اتخلقت؟؟
و بين امور الحياه
نسيت السؤال و انشغلت

ياما صادفت صحاب وما صحبتهمش
و ناس كتير حبتنى و ماحبتهمش
و الحب و الكره
مبادئ حياه
للبصير حتى و ال ما بيشوفش
ورا كل شباك ألف عين مفتوحين
باصيين علينا
بعيون حزينه
و الباقي باصيين
بعيون حاسدين
و الحزن اصلا
اصله حقد دفين
بس الحزنى اطيب كتير
من الحاسدين
إقلع غمأك يا تور وارفض تلف
ده الذل داء غواك
و لا مرض جواك
خايف لمنه تخف

اميرة يحيى